



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Externis Regulis Amoris Et Morum, Legibus Utique, ac Praeceptis  
Virtutum Theologicarum, & Cardinalium, necnon Decalogi & Ecclesiae -  
Libros Vndecim Complectens

**Henricus, de Sancto Ignatio  
Leodii, 1709**

Caput XI. Conditiones in oratione necessariæ.

---

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

46. Ratio verò istius necessitatis primariò peti-  
tur ex ordine divinæ providentia, quæ parata  
est quidem nobis conferre necessaria ad salu-  
tem, sed medià oratione. *Ex divina namque  
providentia disponitur, non solum qui effectus  
fiant, sed etiam ex quibus causis, & quo ordi-  
ne fiant,* ait S. Thomas a. 2. Unde non prop-  
ter hoc oramus, ut divinam dispositionem im-  
muemus, sed ut id impetreremus, quod Deus dis-  
positus per orationem esse implendum, ut scilicet  
homines postulando mereantur accipere, quod eis  
Deus omnipotens ante sæcula dispositus donare,  
ait S. Gregorius I. Dialog. 8. Non etiam prop-  
terea oramus, ut Deo notas faciamus necessi-  
tates vel desideria nostra (ipse enim novii abs-  
condita cordis, & scit Pater vester, quia his  
omnibus indiget) sed ratio necessitatis prima-  
ria ex parte Dei est dictus ordo divinæ pro-  
videntia. 2<sup>a</sup>. ex parte intellectus nostri, ut re-  
cognoscamus ipsum esse fontem, à quo bona  
cuncta procedunt, & adjutorem in opportu-  
nitatibus, in omniæ necessitate, ad quem  
proinde configurare debeamus. 3<sup>a</sup>. ex parte  
voluntatis nostræ, ut fiduciam habeamus re-  
currendi ad ipsum. 4<sup>a</sup>. ex parte naturæ nostræ,  
ut magnificemur colloquendo ac velut conver-  
sando cum Deo. Considerare enim nos oportet,  
inquit Chrysostomus apud S. Thomam a. 2,  
ad 2. quanta est nobis concessa felicitas, quanta  
gloria; orationibus fabulari cum Deo, cum  
Christo misericordia colloquia, &c. 5<sup>a</sup>. denique ra-  
tio petitur ex parte indigentiae nostræ, quia  
nullum est tempus quo divino non egeamus  
auxilio: utpote nobis necessario in omnibus a-  
ctibus causisque, cogitationibus & motibus. In  
iis prouide omnibus auxiliis & protector oran-  
dis est, ut monent Zosimus & Cælestinus su-  
pra. Quibuscum Hieronymus apud Bedam to.  
7. in Scintill. c. 7. de orat. dicit, quod sicut  
militem sine armis ad bellum exire non conve-  
nit; ita homini Christiano procedere quolibet  
sine orationibus non convenit. Quia in omni lo-  
co adversarius noster diabolus, tamquam leo ru-  
giens, circuit, querens quem devoret. Cui ut  
resistamus fortes in fide, indigemus oratione.

## C A P U T XI.

## Conditiones in oratione necessarie.

47. Cum ea quæ à Domino in oratione pe-  
timus, sèpè non accipiamus, eò quod  
malè petamus, juxta illud Jacob. 4. Petitis,  
& non accipitis, eò quod malè petatis; opera  
præsum est explicare conditiones, ad benè pe-  
tendum necessarias.

Prima itaque conditio ad id necessaria est  
attentio. Sicut enim Deus adorandus, sic  
orandum est in spiritu & veritate, juxta illud  
Joan. 4. *Spiritus est Deus, & eos qui adorant  
eum, in spiritu & veritate oportet adorare.*  
Non oratur verò Deus in spiritu & veritate,  
si non versetur in corde, quod profertur in  
ore. Enimvero quid prodest labiis honorare

Deum, si cor longè sit à Deo? *Quomodo te  
audiri posulas à Deo, cum te ipse non audias?* ait Cyprianus I. de orat. domin. Imò sic ora-  
re, est Deum contra se provocare. Dicit enim  
B. Laurentius Justinianus I. de discipl. monast.  
convers. c. 17. quòd tales adversum se Deum  
provocant vehementer. Et S. Bernardus I. de in-  
teriori domo c. 7. iis applicat illud Hieremias:  
*Viderunt enim hostes, & deriserunt sabbatha ejus.* Et in eos quadrat illud Isa. 29. *Populus hic la-  
biis me honorat, cor autem eorum longè est à  
me.* Necnon istud Hierem. 48. *Maledictus  
qui facit opus Dei negligenter.* Alia versio ha-  
bet *fraudulenter:* & reverè hoc facit, qui  
oratione vacat exteriori devotus, sed interiori  
inde votus, quia voluntarii distractus. Menti-  
tur enim pietatem, & ridet Deum. Si autem  
mendacium & irrisio abesse debet ab omni  
humana conversatione, multò magis ab ora-  
tione. Unde Augustinus epist. 107. *Labia do-  
loſa si in hominum quibuscumque sermonibus sunt,  
sicut in orationibus non sint.* Vide infra n....  
Et observa 1<sup>o</sup>. cum Cajetano q. 83. a. 13.  
ad 3. mortaliter peccare eum qui ad Horas sub  
mortali obligatus, in notabiliter parte voluntarii  
evagatur; *Perinde est enim (inquit) ac si  
illam partem omissteret.* In oratione autem spon-  
tanea, seu non obligatoria, censet eum non  
peccare nisi venialiter. Et idem dicit, quando  
in oratione de präcepto ex negligientia quis  
non attendit, habens tamen attendendi pro-  
positum. 2<sup>o</sup>. obserua cum eodem ibidem a.  
14. quod aliquid dicitur necessarium, sine quo res  
non potest consequi effectum. *Est autem triplex effec-  
tus orationis, primus quidem communis omnibus  
actibus charitate informatis, quod est mereri, &  
ad hunc effectum non ex necessitate requiritur,  
quod attentio ad orationem (actualiter) per  
totum, sed vis prima intentionis, quâ aliquis  
ad orandum accedit, reddit totam orationem meritoriam,  
sicut in aliis meritoriorum accidit. Se-  
cundus autem effectus orationis est ei proprius,  
quod est impetrare, & ad hunc etiam effectum  
sufficit prima intentio, quam Deus principaliter  
attendit. Si autem prima intentio deficit, oratio  
nec meritoria est, nec impetrativa: illam enim  
orationem Deus non audit, cui ille, qui orat,  
non intendit, ut Gregorius dicit. Tertius autem  
effectus orationis est, quem praefataliter ef-  
ficit, scilicet quadam spiritualis refectio mentis,  
& ad hoc de necessitate requiritur in oratione at-  
tentio (actualis.) Unde dicitur 1. Cor. 14. *Si  
orem lingua, mens mea sine fructu est.**

Sciendum tamen quod triplex est attentio: <sup>48</sup>  
una quidem quâ attenditur ad verba, ne aliquis in eis erret. Secunda, quâ attenditur ad  
sensem verborum. Tertia, quâ attenditur ad fi-  
nem orationis, scilicet ad Deum, & ad rem  
pro qua oratur; quæ quidem est maximè ne-  
cessaria. Et hanc etiam possunt habere idonei;  
& quandoque in tantum abundat hæc intentio,  
quæ mens fertur in Deum, ut etiam omnium  
aliorum mens obliviscatur, sicut dicit Hugo  
de S. Victore.

49 Secunda conditio est humilitas supplicantis, quā se coram adorata divina Majestate deprimat, seque pulverem, immo nihil esse cognoscat, dicens: *Loquar ad Dominum meum, cum sim pulvis & cims*, Genes. 28. Enimvero oratio humilioris se nubes penetrat, Eccli. 35. Et odit Deus pauperem superbum, ideoque Pharisaei orationem acceptam non habuit. Deus enim superbus resilit, humilibus autem datur gratiam. Et nunquid oramus, quia mendici sumus? *Omnes, quando oramus, mendici Dei sumus* (ait Augustinus serm. 83. alias 15. de verb. Dom.) ante januam magni patris-familias stamus, immo etiam prosternimur, supplices ingemscimus, aliquid volentes accipere, & ipsum aliquid, ipse Deus est. Ad Deum simplex clamabat Propheta Ps. 69. *Ego vero ego nus & pauper sum; Deus adiuxit me*. Ps. 6. *Miserere mei Domine, quoniam infirmus sum*. Ps. 40. *Sana animam meam, quia peccavi tibi*.

50 Tertia conditio, fides. Quarta, spes, seu pia fiducia obtinendi à Dei misericordia quod petitis, iuxta illud Jacob. 1. *Squis indiger sapientia, postule à Deo...* Postules autem in fide, nihil hasitans: qui enim hasit, similis est flumini maris.... Non ergo afflimet homo ille quod accipiet aliquid à Domino.

51 Quinta, ut oratio nostra fervens sit, non tepida. Sed, quod deplorandum est, oratio nostra aliquando sic tepida est, vel potius frigida, ut penē sit nulla; immo interdūm ita nulla, ut neque hoc in nobis cum dolore advertamus. Quia si vel hoc dolemus, jam oramus, ait Augustinus l. 1. qq. ad Simplic. q. 2. sub fin.

52 Sexta, ut assidua sit, & perseverans: quia misericordiam Dei, quā assidue indigemus, non impetrabimus, nisi eam assidue & perseveranter deprecemur. Assiduitas vero & perseverantia orationis frequenter impetrat, quod meritum orantia impetrare non valet, prout Salvator Luc. 11. ostendit per parabolam vidua Judicem interpellantem, & alteram parabolam amici mediā nocte tres panes communitatō petentis, qui etsi non impetreret ea propter amicitiam, propter importunitatem impetrabit. Ideo c. 18. *Oportet semper orare* (inquit Salvator) & *nunquam desicere*. Et Frater Domini: *Multum valet deprecatio iusti assidua*. Jacob. 5. Paulus etiam 1. Thessal. 5. *Sine intermissione orate*. Et S. August. epist. 130. *In ipsa fide, & spe, & charitate continua-  
to desiderio semper oremus*. Et enarrat, in Psal. 37. ad illa verba: *Domine ante te omne desi-  
derium meum: Ipsum* (inquit) *desiderium tuum,* oratio tua est, & *continuum desiderium, continua  
oratio.... Quidquid aliud agas, si desideras illud  
sabbatum, non intermitte orare*. Si non vis intermittere orare, noli intermittere desiderare. Continuum desiderium tuum, continua vox tua est. *Tacebis, si amare desideris*. Qui & in Psal. 146. continua orationis, sicut & dilectionis facilem fugerens modum, ab eo dicit continuo laudari Deum, qui omnia opera sua ex

Tom. II.

Dei amore facit. Cui concinens S. Fulgentius epist. 1. *Oratio est (inquit) in conspectu Dei omne opus bonum, quo delectatur, nullo indi-  
gens Deus*.

53 Septima conditio, ut oratio non sit sterili, sed bonis operibus sociata, quibus homo testetur se efficaciter desiderare quod petit. Multi enim ideo non impetrant, quia exerto corde non desiderant, similes Augustino ante plenam conversionem dicenti: *Da casti-  
tatem, sed non modo*. Sæpe ergo Deus differt exaudire, ut faciat desideria nostra crescere. Sæpe etiam non exaudit, ut discamus in vanum non recipere gratias ipsius, sicut antea fecimus, eas absque bonorum operum fructu negligendo. *Quisquis ergo vult petita accipere,  
festinet ea que accepit opere implere*. Orantes (inquit Cyprianus loco citato) non infraclausi nec nudis precibus ad Deum veniant. Inefficax peritio est, cum precatur Deum sterilis oratio. Nam cum omnis arbor non faciens fructum, excidatur, & in ignem mittatur; siueque & sermo non habens fructum. Promereri Deum non potest, qui nullum est operatione fecundans. Et ideo Scriptura nos divina instruit, dicens: *Bona est oratio cum jejunio & eleemosyna*. Similiter Augustinus in Psal. 42. *Quam celeriter  
accipiuntur orationes benè operantium! ... Vis  
orationem tuam volare ad Deum? Fac illi duas  
alas, jejunium & eleemosynam*.

## C A P U T XII.

*Conditiones requisita ad hoc, ut oratio infalli-  
biliter impeire.*

54 *Ioendum* (inquit S. Thomas a. 15. ad 2.) *quid ponuntur quatuor conditiones, quibus  
concurrentibus semper aliquis impetrat quod pe-  
tit, ut scilicet pro se petat, necessaria ad salu-  
tem, pie & perseveranter.*

Pro se: quia qui dixit Joan. 14. *Siquid pe-  
tieritis Patrem in nomine meo, non utcumque  
dixit, dabit, sed dabit vobis* (ait Augustinus tr. 102. in Joan.) *quia Sancti pro sepsi, non  
anem pro omnibus exaudiuntur, vel amicis,  
vel inimicis suis*.

Necessaria ad salutem, vel certe ad eam con-  
ducientia. Quia non est promissa exauditio, ni-  
si potentibus *in nomine Christi*, ut constat ex adductis verbis: *Siquid petieritis Patrem in  
nomine meo, &c. Non petitur autem in nomi-  
ne Salvatoris, quidquid petitur contra rationem  
salutis*, ait ibidem Augustinus.

Pie, id est cum intentione pia, & amoro-  
sa, efficacique desiderio impetrandi postula-  
ta. Ad quod necessaria est impedimenta pro pos-  
se amovere; alias sibi ipsi orans causa est quod non impetrat. Et ista plerumque etiam causa est propter quam Sancti, pro aliis orantes, non exaudiuntur: quia scilicet illi, pro quibus orant, impediunt pia petitionis effectum.

Perseveranter: ob ea quae dixi n. 52. qna-  
dam enim non negantur (ait ibidem Augus-  
tinus)

b 2